

止齋先生文集



数据加载失败，请稍后重试！



数据加载失败，请稍后重试！

止齋先生文集卷第十八

外集

知襄陽府張杓知建康府

勅維周公太公功在盟府而伯禽見於青誓曰及見於康王之初克世其美垂名六藝顯允魏公弼亮三祖咨爾後人宜自著見具官某踐修厥猷謀畧輻輳牧民敷七何鄉不可內史摠設文昌論思績用甚茂稱者不容口也備邊襄州隱若敵國太上疇勞欲徙秣陵而未果肆朕嗣服爰咨分閫任重留鑰莫如爾宜且夫金陵魏公之所經畧也元勲大節賁志未就歷年於此胡能嗣之文事武備兼修者何術內寧外憂長慮者何事其究爾心以圖忠報豈惟先正將二祖亦寵嘉之可

朝散大夫知南外宗正事趙不邇換右監門衛大將

軍濠州團練使擢知太宗正事

勅具官某自藝祖置太宗正以睦親族蓋歷年於此本支蟬聯世次櫛比而無忒違職此之由可不謹擇之乎爾屬尊而身修官達而志無競爰自左選改畀南班秩以門衛之崇加以戎團之峻甚尊寵矣益輯宗盟以綿帝系徃其勉哉可

直秘閣劉穎除直顯謨閣江東轉運判官

勅具官某課賢勞耶則誰如汝多采民譽耶則誰如汝著况久淹恤朕豈忘汝也江表將漕司存與留都相峙蓋視畿甸等耳煩爾調度以寬州縣之急歸報有期勿替前績可

浙西提刑黃適知贛州

勅具官某興從臺掾遂畀畿節不可謂不遭時矣章貢名邦選牧為重而其民亦號難理夫地重則須宿望事難則藉容德疇咨爾宜就畀州組益究民庸毋曰遠外可

太學上舍生李斗南葉元英賜釋褐出身

敕某等科目之制至嚴密也而繇學校進者則課其功緒蓋有不待試於春官而策之迷者焉亦既得雋矣肆手嗣服又拔其尤若爾某某者而即官之則所以加惠諸生豈不盛哉可

侍衛步軍司後軍統領戚拱宿衛部轄官兵特轉一

官

邵建

孫光祖

鮑信

陳孝慶

孫顯忠

夏震普

敕具官某環列之尹著於春秋書勞進秩則有常典爾其毋憚煩使式克欽承則予汝賞不一而足可

湖南提刑趙不遇除江西提刑寺丞趙除江西

提舉

敕具官某等自江以西綿地數千里其吏善讀律其商善趨鹺茗之利而其田疇多旱潦部使者得其人則刑罰中而訟

銛之俗易禁弛散歛行而民不失業以是不過詳刑湖湘不偏聽於單辭爾 率臧省寺謹厚而無失其以不過序遷臬司 為使氏皆王人也觀省風謠布宣德意可不勉乎可

張綬除直秘閣官觀

敕具官某以熙寧論事之臣之後其文足以自見其學足以自飭此吾烈祖所以賓諸冊府上皇以為郎若卿也晚分郡符數上奏計雖不見察於部使者而見直於言路而秉心無競固請解組成爾素履歸休外祠還爾舊著寓直延閣而對新渥以為後圖毋若考槃永矢弗告可

江東轉運判官劉頴知平江府

敕具官某將輪江東方錫贊書擇牧吳門又分符竹爾亦喻朕指手以爾才足以機煩且宜引以自近也夫足以撥煩則彌節而為劇郡所以後游及之有餘引以自近則置諸扶風

馮翊之間蓋鳩斬之序也深喻此指無非簡記盡疾其驅以對新渥可

李嘉謀知襄陽府

敕具官某維烈祖旁求西州之士幾無遺材用以為公卿大夫多矣而一時同進宿留州縣位卑官薄聲聞諠然者猶一二數朕所以式遏其歸也會乏襄陽之帥僉謀惟父而又中道輟汝以寬顧憂是豈朕初意乎夫旅進周行每恨非功名之會又勞外服又懷無拾補之益有能於此何鄉不可則通儒也爾其欽承以圖忠報可

新除福建提刑盧彥德政江東提刑

敕具官某觀蜀道之歌湘繫之賦則知士大夫不樂久宦於此也爾其崎嶇荆益至於累年晚歸即闌意不自得懷章亟上持節七閩夫安於平進而樂遠外官無纖芥見於詞色是

不謂之吉士歟以嫌自引易地江左姑徇爾懷嗣有它寵可
權戶部侍郎梁揆除刑部侍郎

敕朕誦周書至立政用人之戒詳美而三致意於庶獄至於
卒章獨告司寇蘇公夫皆準人也他無所概見而司寇獨明
言其人何歟蓋謹而書之也具官某以寬厚長者名當世而
以法士名其家夫法士則深於文而長者則傷於惠二者皆
偏才也而卿獨兼二美焉頃為理官空園案月及掌邦計郡
國晏然銜命來歸備見忠瘁賈貳秋官此蘇公之職也式敬
爾獄以長我王國爾尚無愧於周書哉可

司農寺主簿張孝伯除國子監十月十一日

敕具官某朕方加惠諸生允聯事於成均者皆遴選也胄監
有丞與聞學政以爾孝伯雅致不渝肆用命爾其益好修以
須明陟可

諸王宮大小學教授姚愈除司農寺丞國子監主簿

羅克開除軍器監丞十月十一日

敕具官爾愈爾克開皆以文雅嘗與聞學政矣而以愈丞農
扈克開越監蓋試煩事益究爾能左右具宜則有明陟可

直秘閣兩浙轉運判官黃黼除直龍圖閣陞副使再
辭龍圖改除直顯謨閣十月十一日

敕具官某以元祐名寔後而其學足以自立才足以自見也
將漕郊畿燕及三輔朕圖爾功正名使華晉職犧閣是豈謂
之過歟而何遜章來上至于再三也益嘉廉潔少却文謨雖
不償勞亦足厲世可

倉部郎中汪棣以趙汝愚親嫌除淮東提舉十月十一日

敕具官某朕不以防禁遇臣下而或自言嫌則亦從欲以便
其私爾大臣之子克世其家比解州綏遠歸郎舍嘗試未久

山齋文集卷之十一
四
譽處有聞顧以當路之嫌願就外服政畀淮節以華其行雖徇爾懷亦足風厲可

大理正閭丘泳除利州路提刑十月十七日

敕具官某夫持節行郡國是為周王人漢部刺史也然周以下士漢統秩六百石何歟深知此意宜何以圖報乎爾為理官亦既累歲博文敏事侶不能言會擇蜀使咸曰汝可若爾者足以循周漢之制越次而持節矣詳刑於蜀庸究爾能往其欽承以湏明陟可

秘書監兼實錄院檢討官薛叔似除權戶部侍郎十月二十八日

敕朕欲省賦甚而用不足蓋嘗歎息安得執古以御今之士與之共圖邦計乎而澤下究也具官某習於六經之道而明當世之務自薦紳先生下逮新進稱爾不容口也屬茲銜命萬

里來歸革帶蔬食行乎蠻貊朕甚嘉之曾未復命擢貳民曹
夫從班宣所以償勞乎可使治賦孔門之學何以利國孟子不
對於斯二者並行不悖此朕之所圖於汝也尚其懋我以永
士譽可

起居舍人兼侍講劉光祖除起居郎司農少卿鄧駟
除起居舍人

十月二日

敕具官某左右史朕所嘉賴以謹言動爰自嗣服儀圖其人
皆舊學也爾光祖駟頃在儲寮蔚為國士而光祖繇霜臺駟
繇騎省各以論事不避權近俄而去國朕甚懷之蓋嘗嘆息
安得三益以自近也今茲歸止實慰我心其以光祖序進左
右駟權居右陞豈徒以是為私乎其繼自今直筆在前則出
入不欽號令不減將懼思焉爾其懋我勿替初意可

國子祭酒彭椿年除直龍圖閣江東路轉運副使開

十月二日

敕具官某昔荀卿嘗為祭酒矣而卒老蘭陵後世恨之爾某於今百辟寡先進也方在諸生及見故老北為博士獨抱遺經而自詭治民遲遲翔集蓋累年於此矣脫長成均雅不自喜亟上鵷鵠欲使其私將輸江瑱陞華犧閣雖寵爾行而朕尚冀爾無遐心也以解荀卿之恨亦有意乎可

大理寺丞林思齋除大理正開十一月二日

敕具官某本朝重科目而有以奕世父子一門伯仲赫然聯翩擅聲名於場屋若爾某者豈不足貴乎而何州縣淹恤亟稱賢勞岳牧論薦始有朝蹟也淑問獻囚士論惟允俾為理官自丞而正鴻漸之序嗣有懋官可

戶部郎中上擬除直秘閣知平江府開十月二日

敕具官某治辦之吏患在銀簿豈第之長或不事此二千

石所以難其人也爾自分郡寄比遣使華長於心計往往所
在足用而長財也而捐以予民動累鉅萬蜀道之人至今懷
惠若爾者可以托千里之國矣吳門擇牧蓋久而後得之輟
于望郎華以寓直爾其懋哉勿替 民譽可

太府寺簿范孫除太理寺丞閏十月三日

敕具官某奕世載德孰如范氏爾克踐修益自問學色辭粹
溫君子人也俾丞棘寺未究爾能謹視刑書嗣有寵數可

朝請卽權發遣滁州石宗昭除度支郎官新改除浙

西提舉吳鑑除司封郎官

九月八日
十月十四日

敕具官某等以吾冊府校讐之臣而越在外服不知其反期
何時非所以為經生學士勸也爾宗昭鑑嘗同日給筆札試
于玉堂之廬觀如堵牆其美無度而何宗昭在淮鑑在湘之
久也夫合江之水環滁之山將指承流爾固樂此公論不置

盡歸郎闈其亟來朝以對新渥可

軍器少監兼權司封官李大性除浙東提舉知常州

黃灝除浙西提舉

大性十月三日 灝閏十月四日

敕具官某今二浙猶三輔也比歲不登仍以旱潦荒政十二
其誰與朕推行之乎爰誅其人得於周行則汝大性得於列
郡則汝灝也東西二節於以分畀平輿頌積悉咨聽之吳越
之間民無菜色我有褒璽必不爾後可

太學博士陳峴武學將士陳邕並除祕書省正字

閏十月十四日

敕具官某等朕命以雲漢側身之誼策爾於玉堂之廬爾峴
不徒具文而有惻隱之實爾邕科別其條而昌言之不枉於
執事文詞拳拳皆可觀也冊府儲才得爾惟允勉司校讎益
務誼育以就遠志以副殊休可

監登聞檢院楊大全除宗正寺主簿主管官告院傳

伯成除司農寺主簿十月十日監都進奏院孟浩除國

子監主簿

浩閏十月十四日

敕具官某等夫以百畝之宰三年之淹僉言賢勞始有朝蹟而後階升簿正列寺士欲以才自著也斯已艱矣矧爾大全西州之彥而伯成浩又南國之良乎姑懋厥官以須褒進可

大學正孫元卿除武學博士

閏十月二十五日

敕具官某古者千篇皆學於東序而耆耄首騶虞又皆樂師所以教國子也爾以文行簡在東膠譽處盛矣推所講明施及右學將見諸生不但習孫吳而已則朕之所以用汝也可

李知已

陳景俊並除大理寺丞八月

敕具官某等曾人以淑問獻囚而漢以文無害為獄掾皆所以重士官也爾知已於今多士為前進而有廉退之稱不幾於魯詩所謂淑問者乎爾景俊於今法家為通才而無少恩